

۱۹ ذی الحجہ ۱۳۲۹

﴿ بازار ﴾

۲۷ تشرین ثانی ۳۲۷

نومرو ۷ — ۶

۶۷

صُوفِیَّیْنِ

نسخہ سی ۱۰ پارہ در

جنگل

عرفای امتک مقالات متصوفانہ لرینہ جریدہ
صوفیہ نک صحیفہ لری آچیدر .

آبونہ سی بر سنہ لک اعتباریلہ ممالک عثمانیہ ایچون
۱۰ و ممالک اجنبیہ ایچون ۱۵ غروشد .

اعلانات و سائرہ ایچون مدیر مسئلہ مراجعت
ایدملیدر .

محل اداره باب عالی جوارنده ابوالسعود جاده سندہ
نجم استقبال مطبعہ سی

شیمدیلاک اون بش کونده بر نشر اولنور تصوفدن باحث دینی ترک جریدہ اسلامیہ سیدر .

صفت جلیله سی مسموعاته تعلق ایدوب ایشیدمک
شانندن اولان شیرری کرک اصوات خفیه اولسون
وکرک جهریه اولسون بلا نقصان و قوه سامعیه
بلا افتقار سامعدر سورة شعراده (هو السميع
البصير) آیه جلیله سی سمع صفتنه دالدر .

بصر

(وهی صفت ازلیه تنکشف المعلومات عند
تعلقها بها) بصر صفت جلیله سی کورمک شانندن
اولان شیرره تعلق سببیه مشهودات و مبصرات
کشف نام ایله مشهود اولور یعنی علی سبیل التحیل
والتوهم اولیوب حق و حقیقه مشهود اولور
سمع بحثنده کی آیت جلیله بصر صفتنه ده دالدر .

کلام

(وهی صفت ازلیه قائمه بذات الله تعالى) ذات
یزدانسیله قائم اولان صفت جلیله اصوات و
حروف جنسندن اولدینی حالده بر صفت ازلیه
وقدیمدر که اشبو صفت رحمانیک تعلق سببیه
قرآن کریم و سائر کتب منزله الهیه شرف ظهور
و نزول ایشمدر عقائد دینیده لفظ قرآن قدیم
اولان کلام نفسی الهی بینیه آیت و سوردن
مرکب لفظ محدث و مرتب بیننده مشترکدر قرآن
کلام نفس پروردگار اولوب غیر مخلوقدر کما قال
النبي عليه السلام القرآن کلام الله تعالى غیر مخلوق
من قال انه مخلوق فهو کافر بالله العظيم (قرآن کریم
و فرقان جلیل بزم مصاحف مزده مکتوب قلبایم زده
محفوظ لسانایم زده مقرر قولایم زده مسموعدر
چونکه امر و نهی اختیارک هربری اقسام
کلامدن اولدینندن جناب واجب الوجوده بونلری
نسبت ضمننده صفت کلام دخی نسبت اولنور .
بوده عربی و یا سریانی و یا خود بشقه برلفت ایله
توصیف ایدیه من (کلم الله موسی تکلیما) (و حتی
یسمع کلام) کی نصوصی قاطعه یزدانی بواعقاد
صحیح حک صحت ثبوتنه دلالت ایدر محدث اولان
آیات و سور فرقایه نیک اشنا قرآننده کلام نفس
ازلی ب اسماع وقوعه و موقعه در عالم مخلوقات ایچنده
نوع بی ادمه سمع بصر کلام صفتلری بولندینی
حالده حاشا خالق مخلوقات و مصنوعانده اشبو
اوصافک بولندینی فرض و تقدیر ایتک موافق
شان عاقلیمدر .

تکوین

(وهی صفة الله تعالى ازلیه) تکوین صفت
جلیله سی ذات سبحانیله قائم بر نعمت ازلیه در .
اشبو صفت خلق ترزیک احیا امانه احداث احتراع
تصویر و غیر ذلک افعال الهیه بوصفنده داخلدر .
اوصاف و آثار و اختلافی سببیه الفاظ و عبارات
و تعدد صفات اولیور ایسه ده ذات الهی و موصوف

مقدس سی تعدد ایتیمور مثلاً اثری ترزیک اولمق اعتباریه
صفتنه ترزیک موصوفنه رزاق سائر صنفلر دخی
بویله جهمدر .

امام اعظم حضرت تارینک فقه اکبر نام کتاب
جلیلنده اوصاف الهیه دائر بیان بیوردینی
اقوال جلیله لم یزل ولا یزال بصفاته واسمائیه ولم
تحدث له صفات ولا اسم ولم یزل عالماً بعلمه
والعلم صفته فی الازل وقادراً بقدرته والقدرة
صفته فی الازل وخالقاً بتخلیقه التخلیق صفته
فی الازل وفاعلاً بفعله والفعل صفته فی الازل
والفاعل هو الله تعالى وفعله صفت ومفعول مخلوق
وفعل الله تعالى غیر مخلوق وصفاته فی الازل غیر
محدث ولا مخلوقة ومن قال انها محدثة ومخلوقة
او وقف فیها اوشک فیها فهو کافر بالله العظيم
مکون بحدوث التعلق حادثدر سائر اوصافک حین
تعلقلرنده حدوثی کی یوقسه من حیث هی هی
اوصاف الهیه قدیم و ازلیه در اکر مصنوع عالم
یعنی تکوین ذاتاه و یا خود صفات اللهدن برشیته
تعلق ایتیمزسه صانعک تعطیلی لازم کلور موجوددن
حوادثک استغناسنک تحقیقه محالدر عالم علامتدن
مشققدر مصنوعان صانعه مخلوقاتدن خالفه دلالت
و علامت وارددر (المحدث اذ اقرن بالقدیم لم یبق
له اثر) عقائد دینیده دن اولان بو عباره ی دخی
خاطرنده طوت عالمه ماسویاه ماسویاه عالم
دیرلر تدقیق ایدیکز عالم و حقیقت عالم حقنده
براز ایضاحه لزوم کورلدیکندن کتب فقهیه
شروحندن اولان رمضان افندیکنک عالم حقنده
بیان بیورمش اولدینی عباره ی منحصر آ ترجمه ایدلک .

عالم

عالم انسان عالم ملک عالم جن کی دهانجه
نیجه عالمدن مرکب اولان بو عالم که ماسویاه
تعالی در بصورتده عالم لفظی ماسویاه جمله سنک
شامل اولدینی اشیانک هربری اوزرینه علی الانفراد
تسمیه ایتک یا خود مفهوم ماسویاه اوزره تسمیه
ایتک صحیح اولور .

ماسویاه ایله صانع ذوالجلالی بیلنور
اجناس مختلفه نیک هر برلری اوزره منفرداً عالم
لفظنک وجه تسمیه سننده لفظ عالم جزئی
ماسوی الهی تسمیه سی سببیه لفظ عالم کلی اولور .
اشبو عالمک حدوثی بیلیمک علوم اسلامیه ده
جمیع علومدن اصلدر اکر محدث اولمزره قدیم
اولوب ابدی اولسی لازم کلور بصورتده
وعد وعید ارسال رسل انبیاء و فوائد تکلیفات
یزانی یوقدر بوصورتده قیامت وعزم فنا
اولدینندن انبیای عظام حضراتی تکذیب لازم کلور .
بو ایسه محال و باطلدر
مثنویخوان
علی فواد

مادیون و طبیعیون

مادیون ، کائناده کی اعمال عاقله و غیر عاقله یی
ماده و قوته نسبت ایدن بر صنف حکما درله افعال
حیاتیه ظواهر عقلیه و نفسیه ماده و قوتدن منبعث
اعمال مادیه نتیجه سی اولوب اعمال جمادیه دن فرقی
یوقدر دیرلر .

مادیونک بر قسمی ، ماده و قوتک هربری
مستقل اولوب فقط یکدیگرینه اجرای تأثیر
ایدلکارینه و دیگر بر فرقه سی ماده اصل ، قوت
ماده یه تابع و خصائصی ماده نیک بر خاصه سی اولوب
ماده نیک خصائصی بقا ، جذب ، حرکت اولدینی
حالده قوت ماده نیک یالکز بر خاصه سی اولان
حرارتدن عبارت ایدوکنه قائلدرلر . ینه بومادیوندن
بعضلری قوت بر موجود حقیقی اولوب ماده
ظواهر قوتدن بر ظاهر ایدوکنی و فقط ماده نیک
وجودی انجق واسطه قوتله اکلاشدینتی و بو
برنوع حرکت اولوب دماغزیه تأثیر ایتمه سیله
وجودی استدلال ایدلیدیکنی زعم ایدرلر . دیگر
بر فرقه مادیون ماده و قوت شیئی واحد اولدیننه
و دیگر فرقه سی ایسه ماده و قوت لاشیئی و وجودی
خارجده حقیقی اولیان بروهم بولندیننه بوده ذهن
انسانیده حاصل اوله جفته ذاهب اولملرلدر .

زیرا انسان موجودیتیه برشی حس ایدیه میوب
انجق حواسیه حس و بیان ایدر انسانلرک اکثری
احلام و سائر کی خارجده وجودی اولیان اشیائی
تصور و اثبات ایلر که بونلرده ماده تسمیه اولنه
میوب و همدن عبارتدر دیه ادعا ایدرلر .

طبیعیون ایسه اصنامه عبادتی رد ایله موجو-
داتک اصلی اولان طبایع اربعیه عبادتی ترجیح
واوٹان هر قاننی شیمدن پایلور ایسه پایلسون
طبیاعک فرعی اوله جفتندن هر حالده اصله عبادتک
اولا اوله جفته حکم ایله حرارت ، برودت ،
یبوست و رطوبتدن عبارت اولان طبایعه توجه
ایتشاردر .

رد مذهب طبیعیه

از قضا سرکشکین صفرا فرود

روغن بادام خشکی می نمود
فضای آلهیدن سکنجینک خاصه و طبی
دافع صفرا اولمق ایکن تزید صفرائی موجب
اولدی بادام یاغنک خاصیت طبیعیه سی رطوبت و یرمک
ایکن یبوست کوستردی

از هلیله قبض شد اطلاق رفت

آب آتش را مدد شد همچونفت

هلیله دیدکاری معروف ملین طبع علاجدن
برعکس اوله رق قبض واقع اولدی یعنی لبت
بوسبتون زائل اولدی آبک طبیعت خاصه سی دافع
حرارت ایکن آتش درونه معین و ظهیر اولدی

طبیعیه مذهبنده بولن حکمانک اعتقادی بودرکه هر شئیک تأثیری مستقلاً کندی طبعندندر دیوب مؤثر حقیقیدن غافل اولورلر .

مثلاً سکنجینیکی خاصه سی مزیل الصفر ا بدم یاغنیکی خاصه سی دفع یبوست وهلیله نکیکی ایسه لیت و یرمک و آبک خاصه سی دفع حرارت ایتک ایکن خواص حقیقه لری زائل اولوب طبیعتلرینک مقتضاسنک خلافت اولورق اجرای عمل ایلدی بوندن معلوم اولدیکه هر شیده مؤثر حقیقی قادر مطلق اولوب اشیا دکلدن هر جسمک طبیعتی فاعل مختارک ید قدرت واختیارینه ترک واسناددن بشقه ساحل نجات یوقدر .

فرقه ناجیه و فرق ضاله

— ۶ —

قوم معتزله یکریمی فرقیه انقسام ایتش ایدی بونلردن اوچنجیسی نظامیه نامیه مشهورد بونلر ابراهیم بن سيار بن هانی النظام نام کسه نک اصحابیدرکه کتب فلاسفه نک اکثریسی مطالعه ایله حکمانک بعض اعتقاداتی اعتقادات ذاتیه لریله خلط ایتشلردن . معتزله نک اعتقاداتدن اون اوچ مسئله ایله ایریلرلرکه اولنرده شوندن عبارتدر برنجیسی حق تعالی حضرتلری شروع ومعاصی اوزرینه قدرت ایله وصف اولمیوب شرور معاصی مقدورات الهیه دن اولدیغنه ذاهب اولشلردن .

قوم معتزله دن بعضلری حق تعالی انلره قدرت ایله وصف اولنور فقط قیبح اولدیگی اجلدن قبیحیاتی خلق ایله حق، وصف اولمیوب قول وصف اولنور وحقک عبد اوزرینه ثواب وعقابی ا کسالتکمه قادراولدیغنه ذاهب اولشلردن .

اوچنجیسی افعال عبادک حرکات ، سکون حرکت ایسه اعتماد اولدیغنه وعلوم ارادت حرکات نفسی اولوب بوحرکتدن مراد حرکت نقله دکلدن بلکه انک عندیده حرکت تغیر مانک مبدئدر .

دردنجیسی روحه دائر اولوب کتب حکمدن اخذ ایتش اولدقلری بعض اعتقادات ایله انفراد ایتشلردن .

بشنجیسی قدرتی تجاوز ایلین هر بر فعل افعال الهیه دنر ایجاب خلقت ایله یعنی حق تعالی طاشی بر خلقت ایله خلق بیوردیکه انی دفع ایتدیکنده مندفع اولور وقوت دفع مبالغه واصل اولدقده طاش طبعاً مکاننه عودت ایدر .

التنجیسی جزء لایتجزی بی نفی ده فلاسفه یه موافقت ایتدیلر .

بدنجیسی جوهر تجمع ایدن اعراضدن مرکبدر بعضاً اجسام اعراض اولدیغنه و بعضاً اعراض اجسام بولدیغنه حکم ایتدیلر .

سکننجیسی حق تعالی مخلوقات الان اولدقلری حالت اوزره دفعه خلق ایتدی و آدمی اولادی اوزرینه مقدم خلق ایتدی و تقدم و تاخرک حدوث و وجودده اولدیغنه ذاهب اولشلردرکه بوللامی فلاسفه دن اخذ ایتشلردن .

طقوزنجیسی نظم قرآن معجز اولمیوب اعجازی مغیبتدن خبر ویردیکی در حق تعالی عربی انک معارضه سنه بذل اهتمامدن صرف ایتدی حتی اگر انلری ترک ایدیدی انک مثالی کتورمکه قادر اولورلردی دیرلر و بوسوز کفر ضلال و کلام الهی تکذیبدر .

اوننجیسی اجماع ایله قیاس شرعه حجت

اولمیوب اساس حجت امام معصومک قولیدر .

اونبرنجیسی کبار صحابه حقنده نامعقول سوزلردرکه بومسئله ده رفضه میل ایدرلر .

اون ایکنجیسی شرعک ورودندن اول عاقل و بالغک و نظر استدلاله قادر اولان کسه یه نظر استدلال ایله حضرت بارینک معرفتی واجب اولدیغنه قائل اولشلردن .

اون اوچنجیسی برکیمسه نصابدن اقلده که کوشده ایکی بوز درهمدر والتونده یکریمی مثقالدر سرقت ویا ظلم ایله خیانت ایسه اول کیمسه فسقه نسبت اولنماز بوسوز وجوه شتی ایله باطل وشرع شریفه مخالف اولدیگی جهندن عاقلدر زیرا ظلم حرامدر فاعلی فاسق اولوب سرقتده بویله در بونلرده اصلاً خلاف یوقدر خلاف ائمه اربعه ییننده مقدار و وجود قطع یدده در و بزده اون درهمدن عبارتدر .

حقوق مأمورین

مأمورینک حق ، حال و استقبالنک کوزه دیلوب کوزه دیلدیکی ضمننده سوزسویلدکن صرف نظر ایده جکرده بو امر اهمی ینه مأمورینک رأینه براقه جفر اوت مأمورینک حق دعا سویلیه کلدیکمز وجهله غیر قانونی بر اصول ایله تعقیب ایدیلور . عدل وحقه مقرون اولان بر ماده بی تحسین خلافتی تنقید وانظار عمومیه ده بر مسئله بی عنعنایله تجلی ایتدیرمک وظائف مطبوعاندندر . فقط رفقا مزدن بعضلری بومسئله مهمه حقنده خامه ران اولقدن پک بعید بر موقعه درلر بزده مأموردنیلدیگی افراد ملتدن خارج بر صنف کی تلقی اولنیور مع مافیه مأمور . بی ده ایکی صنفه ایرمق لازمدر . زیرا بر صنف مأمورین واردرکه درجه اقتدار وکفایتی ده طوغریسی هیچ بر مزیقی اولدیگی حالده صرف منسوبیتی ، التماس سایه سنده استحصال مأموریت

ایتمش نجم اقبالی طرفکیرانه استنادکاهلر اعتمادلر سایه سنده ضیادار ، صنف دیگری ایسه حقیله ایضای وظیفه ایش قدیمی ومعلومات قانونیه سی اعتباریله مأموریه کچمش وهر زمان امتحانه ، مسابقه یه آماده بولنن طالع ناماز اصحابیدر . برنجی صنفی تشکیل ایدن مأمورین دولتک حقوقی ذاتاً محفوظ اولدیغندن موضوع بحث ایتک ایسته دیکمز مسئله ایکنجی صنف مأمورینه منحصردر . عفت ، حسن اخلاق واقتداری سایه سنده مأمور اولان ایشته بوزوالیلر دور مشغوم استبداده اولدیگی کی شو زمانده دخی حق وحق قانونیلری مع التأسف کوزه تیلیمور .

مأمورین وکته نک حق ترفیع و ترقیسنک برقاعده اساسیه یه ربطی ووافق معاشرده قالمش اولان مأمورین مقتدرنک ترفیع و ترقیسنک بر صورت سالمه ارتباطی بوباید ترتیب اولنه جق قانونلردن بکلرز . بکون مغدوریت صاحبی اولان مأمورین حقیقیله سویلیوروز که وظیفه مأموریتلری نی کال خواهشله دکل بلکه مع زیاده استکراه ایله ایفا ایدیلورلر .

نصل ایتمه سونلرکه زمان ترفیعلری کلور کچر بو حقدن محروم ایدیلدیگی کی بیکیسلی سائقه سیله محل مأموریتنده قالمه سنده راضی ایکن بوده جوق کورولور . چونکه اورایه التماسی بول وقوی بریسنک اقتداری لازمکلور . برای خاطر اوزوالی مأمور تنزیل صنفه محکوم اولمش کی اوتیه برویه آتیلور صکره بو وبوکی مأموریتدن حسن خدمت بکله مک عبثله اشتغالدر . بوصفک صوک بر امیدی قالمش ایدی که اونیده تنسیق قانندن بکیوردی واه اسفاکی بوده بوشه جیقیدی . کیمسه سزلر بلا فرق صندالیه دکشدر . مکله برنجی قسم ایسه تومن تومن معاشانه کچمک ایله تسریر ایدیلرلر ارتق انصاف ایدلم بوکی مغدور اولان مأمورینی دوشونه لم بونلرکه حق قانونیلری تسلیم ایدلم ملت خدمت بکلدیگی مأمورینک حقوق اصلینی کوزتملی بر طاقم بیماهلر یوکسک موقعلردن چکیلوب از باب اقتدار ایش باشنه کچمیلدر . یوخسه بودوره التماس وزمان انتساب دوام پذیر اولدیغنه مأمورلر محاکمه سز اوتیه برویه تحویل ایتدیرلدکجه امین اولونسک که حکومت ایشلری ایلرو کیده ماز ، ملت مستفید اوله ماز اوت بر مأمور آتیسندن امین اولماز ایسه ایش کوره ماز کورمامکده ده حق واردر ظن ایدرز . چونکه مأمورین دولتک حالی استقبالی متین لایتزلزل برقاعده یه ، برقاعده قانونیه یه ربط ایدلمک وقتی چوقدن کچمشدر .

صاحب امتیاز
ومدیر مسئول
حسن کاظم

نجم استقبال مطبعه سی